

# TXOTX GARAIA IRITSI DA!

Urtean, 800.000 bisitari inguru izaten dituzte Euskal Herriko sagardotegiek



Sagardo berria prest da dastatzeko eta gozatzeko. Orokorrean, usaintsua, arina eta txinparta finekoa da. Raül ROGADO | ARGAZKI PRESS

**T**xotx garaia oihartzun eta arrakasta handikoa da Euskal Herriko sagardotegietan, jendea irrikaz

egoten baita sagardotegira joan eta sagardo berriak probatuz esperientzia gastronomiko bereziaz gozatzeko. Bizi Sagardo Elkartearen esanetan, 800.000

bisitari inguru izaten dituzte Euskal Herriko sagardotegiek urtean, hasi urtarrilean eta maiatzera arte eta horrek inguruko ekonomian ere eragin zuzena du.

Horrez gain, gero eta sagardotegi gehiago dira urte osoan edo denboraldi luzeagoan zabalitzen dutenak ere. Gipuzkoan Txotx irekiera ekitaldi ugari izango dira aurten ere, herri desberdinek, eskualdeek nahiz sagardotegiek

antolatzen dituztenak (hemen batzuk izendatuko ditugu). Bizkaian, Araban eta Nafarroan txotx irekiera ofizial bana egingo dute.

Gipuzkoan hiru irekiera egin dute jadanik. Hernanin, urtarrilaren 11n, Hernaniko txotx komisiak antolatuta. Astigarragan, urtarrilaren 14an, Kultur Etxean eta Bereziartua sagardotegian, Sagardoaren Lurraldeak antolatuta, eta Goierriko sagardotegien

txotx irekiera atzo egin zuten Altzagako Olagi sagardotegian, Goiturrek antolatuta.

Bizkaian txotx irekiera Uxarte sagardotegian (Zornotzan), urtarrilaren 21ean izango da, eguerdiko hamabietan. Bizkaiko Sagardogileen Elkarteak antolatuta. Arabako txotx irekiera atzo izan zen, Iturrieta sagardotegian (Aramaion), Arabako Sagardozale eta Sagardogileen Elkarteak antolatuta. Nafarroako txotx irekiera gaur bertan izango da Larraldea sagardotegian, Nafarroako Sagardogileen Elkarteak antolatuta.

Zer nolako sagardoa aurkituko dugun denboraldi honetan sagardotegietan? Aurtengo sagardoaren ezaugarri orokorrak zehaztea ez da erraza, erabili den sagar motaren, zonen eta kanpotik ekarri duten sagarren arabera ezaugarriak izango baititu sagardoak. Baina baldintza orokorrak kontuan hartuta, sagardo freskoak dira orokorrean, arinak eta edateko errazak, tanino edo polifenol gutxiagokoak eta iaz baino gradu alkoholiko txikiagokoak kasu askotan.

Irakinaldiei dagokionez, urriko tenperatura altuek eraginda, azkar irakin dute sagardoek eta usain ederra dute kasurik gehienetan. Horrek esan nahi du txotxean bukatutako eta ondo borobildutako sagardo asko izango dela aurten, sagardotegi batetik bestera gauzak asko aldatzen badira ere.

Laburbilduz, orokorrean: freskoa eta edateko erraza, usaintsua, fruta usain freskoak dituena, ahoan arina, baina ibilbide luzeak eta txinparta finekoa.



**altzueta**  
HERNANI

Urtarrilaren 31tik aurrera irekita



**OIALUME  
ZAR  
SAGARDOTEGIA**

Asteartetik larunbatera  
gauetan irekita,  
baita ostegun, ostiral eta larunbat  
eguerdian ere.

Mikel Arozameria Bidea 16. **Astigarraga**  
www.oialumezar.com

943 55 29 38

## GIPUZKOAKO SAGARDOGILEEN ELKARTEAK WEB ORRIA BERRITU DU

**G**ipuzkoako Sagardogileen Elkarteak web orria berritu du aurten, www.sagardotegiak.com. Sagardo munduko agenda, gertakari, ekitaldi eta abarrak modu zuzenean azaltzen ditu web orri berrituak, baita sagardotegi bakoitzaren agenda eta ekitaldiak ere. Hala ere, berrikuntza nagusia txotx garairako erreserbak egin ahal izango direla da.

Gipuzkoako Sagardogileen Elkarteak sagardotegietan bazkaldu edo afaltzeko erreserba egin

ahal izango da. Horretarako, erabiltzaileak web orrian sartu eta erreserben atalera joan behar du eta galdetegi bete. Zerbitzu honekin, dagoen eskariari erantzuna eman eta erraztasunak eman nahi zaizkie sagardotegietako bezeroei edo kanpotik esperientzia ezagutze-erori nahi dutenei.

Txotx garairako erreserba gain, bestelako esperientzia turistikokoak ere erreserbatu ahal izango dira web orrian: bisita gidatuak, kata komentatuak, eta abar.

Web orria ez ezik, telefono mugikorretarako gida ere berritu du Gipuzkoako Sagardogileen Elkarteak, Smartphone eta Iphone telefonoentzat. "Txotx" izenarekin jaitsi ahal izango du erabiltzaileak aplikazioa (debalde da) edo sagardotegietan jarri diren QR-en bidez. Txotx aplikazioan, sagardotegien gida eguneratu ez ezik (sagardotegi bakoitzaren egutegi eta ordutegiak, kontaktuak...), sagardoaren inguruko informazio ugari aurkituko du erabiltzaileak.